

欽定四庫全書



10775

道光壬辰七月

納蘭詞

結鐵網
絲藏版

序

汪子珊漁輯納蘭氏詞竟問序於余余受而讀之曰異哉汪子之用心也納蘭詞其必傳於後無疑不待言竊怪諸君子先後所刊無集其全者何也嘗論文章一道其可致不朽者求諸已而已而亦不能無待於後賢古人之遺散佚多矣不得有心人愛護之則等諸飄風過耳宋建隆已爾明有愛護之者出之鼠啗叢殘存什

一於千百取太山一石酌海水一杯而曰太山與海之奇觀在是吾不信也幸矣搜羅勤矣或聞見有限未竟厥美讀者猶有遺憾宋人樂府如石帚玉田最爲卓卓

納蘭詞

序

得陶南村手錄本而所作始備吾不知南村得善本而錄之邪抑亦搜羅之不遺餘力始編此集邪今珊漁於飲水側帽諸刊外彙諸家所錄分體編輯美矣備矣讀者無遺憾矣珊漁方偕其兄子泉輯婁東詞派斷章殘簡靡不兼收以繼靜厓官庶詩派之選蓋好古而篤且以顯微闡幽爲己任異哉汪子之用心也如謂珊漁詞騷情雅骨悻悻芬芳髮鬢納蘭氏以似已者而好之則又淺之乎言珊漁矣是爲序

道光壬辰三月下澣同里周僖書於吳門寓齋

跋
余自束髮稍解四聲卽好倚聲之學小令好南唐主慢
詞好玉田生以能移我情不知其一往而深也國初
才人輩出秀水以高逸勝陽美以豪宕勝均出入南北
兩宋間同時納蘭容若先生則獨爲南唐主玉田生嗣
響徐韓兩尙書碑誌稱先生有文武才所著恆於射飛
逐走之暇得之四庫全書收有合訂刪補大易集成
粹言八十卷陳氏禮記集說補正三十八卷詩餘特餘
事耳已超入古作者之室如此顧易禮二編未見刊本
卽詩古文亦流傳者少所共知者詞而又罕覩其全讀
納蘭詞

跋

一

者恨之余弟仲安從王丈少仙假得先生側帽詞好之
篤故其筆墨間有近之者曾質之趙丈良甫丈賞爲納
蘭再世仲安未敢當也余因謂之曰古人於所好得似
者而喜矣况其眞乎納蘭詞之散見於他選者誠搜而
輯之以子之好公之海內吾知海內必爭先覩爲快仲
安乃因顧梁汾原輯本及楊蓉裳抄本袁蘭邨刊本

昭代詞選名家詞鈔詞匯詞綜詞雅草堂詞響亦園詞
選等書彙鈔得二百七十餘闕其前後之次則按體編
之字句異同悉加註明并采詞評詞話錄於卷首夫納
蘭氏異時必有全集彙刊竝朱陳二集以傳茲特嘉仲

安搜羅之勤付諸劊劊以公同好且望海內得見其全者補所未備焉

道光壬辰夏六月上澣汪元浩跋於夢雲館

納蘭詞

跋

二



徵次壬辰夏六月上澣汪元浩題於夢雲館
香翰復未辭盡
淡與蠶之體於簡薄風以公同好且望海內得見其全

後序

通志堂集

卷之十

詞話書錄余案遺十

詩之爲道非具湛深通博之學雄駿絕特之才不足以神明其事詞則不然發乎性情合乎騷雅刻畫乎律呂分寸一毫矜才使氣不得故有詩才凌轢一代而詞則瞠乎莫涉藩籬者山谷放翁且貽口實况其下此者乎國朝詩人而兼擅倚聲者首推竹垞迦陵後此則樊榭而已然讀三家之詞終覺才情橫溢般般演太多與黃叔暘質實清空之論往往不洽蓋其胸中積軸未盡陶鎔借詞發揮唯恐不極其致可以爲詞家大觀其實非詞家正軌也納蘭成容若以承平貴胄與國初諸老

納蘭詞

後序

一

角逐詞場所傳通志堂集二十卷其板久毀不可得見而詞則卓然冠乎諸公之上非其學勝也其天趣勝也向所見者唯側帽詞刊本竝與顧梁汾合刻本旣在京師見鈔本飲水側帽兩種共三百餘闕惜冗次不及借鈔吾友袁蘭邨近有刊本二百餘闕亦非其全婁東汪君珊漁精於倚聲落筆輒似納蘭氏不獨肖其口吻抑且得其性情以所輯容若詞二百七十餘闕示余可謂蒐錄無遺矣珊漁擬付重刊且屬鄙人爲之序余以未得納蘭氏碑板事實遲遲報命聞吳門彭桐橋家藏有通志堂集亟往借觀桐橋告余曰唏是書藏余家數十

載無有顧而問者昨婁東友人寓書來索是集今吾子
又借觀豈此書將復顯於世耶因出其書流覽一過余
心知珊瑚之先購是書欣幸無極故向桐橋爭購之而
桐橋以有成約堅靳弗與一噓而罷按集中所刻詞四
卷共三百四闋首尾完善蓋至是始得全豹焉其所著
詩賦經解雜識皆可觀然不逮詞遠甚因寓書珊瑚校
勘原本全刻之納蘭氏生前得梁汾輩爲之羽翼身後
得珊瑚輩爲之表章斯人一生幽怨芳芬之致可以不
泯人間矣余嘗登惠山之陰有貫華閣者在羣松亂石
間遠絕塵軌容若扈從南來時嘗與迎陵梁汾蓀友信

納蘭詞

後序

二

宿其處舊藏容若繪像及所書貫華閣額近燬於火爲
可惜也因序其詞并記於此以爲異日詞家掌故云
道光壬辰長夏震澤趙函序於娜如山館

馮鳳本全錄之納蘭又主前所錄後輩錄之兩翼長
荷湖濼職蘇齋者百餘然不致隨處甚因寓書冊庶
卷共三百四闋首尾完善蓋至是始得全豹焉其所
辭以言如神聖博雅與一契而畢對集中所刻詞四
亦似無魚之天鰲吳書亦幸無辭對向麻辭爭觀之
又紛紛豈此書終其賜哉世耶因出其書流覽一過
薄無有顧而問者昨婁東友人寓書來索是集今吾子

後跋

元治輯納蘭詞四卷伯兄跋之詳矣劄劄告竣將次刷印復於吳門彭丈桐橋處得通志堂全集共二十卷內詞四卷計三百四闕參互詳考所遺有四十六闕爰卽補刊於後編爲卷五而元治所輯亦有一十九闕爲全集所未載殆當時失傳故耳今彙得三百二十三闕可稱大備無遺憾矣復跋數語以志深幸云

道光壬辰秋七月既望汪元治書於結鐵網齋

納蘭詞

後跋

一

歐陽子云...

蘇大淵...

梁洵未...

蕭氏...

編四卷...

中...

...

...

原序
非文人不能多情非才子不能善怨騷雅之作怨而能
善惟其情之所鍾爲獨多也容若天資超逸翛然塵外
所爲樂府小令婉麗清淒使讀者哀樂不知所主如聽
中宵梵唄先悽惋而後喜悅定其前身此豈尋常文人
所得到者昔汾水秋雁之篇三郎擊節謂巨山爲才子
紅豆相思豈必生南國哉蓀友謂余盍取其詞盡付削
剗因與吳君蘭次共爲訂定俾流傳於世云同學顧貞
觀識時康熙戊午又三月上巳書於吳趨客舍

一編側帽旗亭競拜雙鬟千里交襟樂部唯推隻手吟

納蘭詞

原序

哦送日已教刻徧琅玕把玩忘年行且裝之玳瑁矣邇
因梁汾顧子高懷遠詢停雲再得容若成君新製仍名
飲水披函畫讀吐異氣於龍賓和墨晨書綴靈葩於虎
僕香非蘭茝經三日而難名色似蒲桃雜五紋而奚辨
漢宮金粉不增飛燕之妍洛水煙波難寫驚鴻之麗蓋
進而益密冷暖祇在自知而聞者咸歎哀樂渾忘所主
誰能爲是輒喚奈何則以成子姿本神仙雖無妨於富
貴而身遊廊廟恒自託於江湖故語必超超言皆奕奕
水非可畫得字成瀾花本無言聞聲若笑時時夜月鏡
照眼而益以照心處處斜陽簾隔形而不能隔影才由

骨俊疑前身或是青蓮思自胎深想竟體俱成紅豆也
嗟乎非慧男子不能善愁唯古詩人乃云可怨公言性
吾獨言情多讀書必先讀曲江南腸斷之句解唱者唯
賀方回堂東彈淚之詩能言者必李商隱耳蘭次吳綺
序於林蕙堂無識昨雖不察隨說與山思幽致與平之
倚聲之學唯

國朝爲盛文人才子磊落間起詞壇月旦咸推朱陳二
家爲最同時能與之角立者其惟成容若先生乎陳詞
天才豔發辭鋒橫溢蓋出入北宋歐蘇諸大家朱詞高
秀超詣綺密精嚴則又與南宋白石諸家爲近而先生

納蘭詞

原序

二

之詞則眞花間也今所傳湖海樓詞多至于八百閱曝
書亭詞亦不下六百餘闕先生所著飲水詞僅百餘闕
耳然花間逸格原以少許勝人多許握蘭一卷陽春數
章散翠零璣均可寶也先生貂珥朱輪生長華膺其詞
則哀怨騷屑類憔悴失職者之所爲蓋其三生慧業不
耐浮塵寄思無端抑鬱不釋韻澹疑仙思幽近鬼年之
不永卽兆於斯嘗謂桃葉團扇豔而不悲防露桑間悲
而不雅詞殆兼之洵極詣矣或者謂高門貴胄未必眞
嗜風雅或當時貢諛者代爲操觚耳今其詞具在騷情
古調俠腸儁骨隱隱奕奕流露於豪楮間斯豈他人所

詞評

陳其年 維崧 曰飲水詞哀感頑豔得南唐二主之遺

顧梁汾 貞觀 曰容若詞一種悽惋處令人不能卒讀人

言愁我始欲愁

丁約園 澎 曰容若填詞有飲水側帽二本大約於尊前

馬上得之讀之如名葩美錦郁然而新又如太液波澄

明星皎潔宋初周待制領大晟樂府比切聲調十二律

柳屯田增至二百餘闕然亦有昧於音節如蘇長公猶

不免鐵綽板之譏今容若以侍衛能文少年科第間為

詩餘其工於律呂如此惜乎不能永年悲夫

納蘭詞

詞評

聶晉人 先 曰容若為相國才子少工填詞香艷中更覺

清新婉麗處又極俊逸真所謂筆花四照三字動移不

得者也惜乎早起修文人皆惋惜所謂天雨粟鬼夜哭

果有之耶 宋 詞風奇肆於大景樂叙其世體屬十二卷

風土掛之蕭之破字雖美辭滯然而濼又破太滯也每

丁蔭園 澎 曰容若填詞有飲水側帽二本大約於尊前

言愁我始欲愁

爾梁汾 貞觀 曰容若詞一種悽惋處令人不能卒讀人

刺其平 蘇 曰燈水隔窗風簾盡對南惠二主之遺

詞評

詞話卷之四十一 金瓶梅詞話卷之四十一

側帽詞西郊馮氏園看海棠浣紗溪云誰道飄零不可
憐舊遊時節好花天斷腸人去自今年一片暈紅疑著
雨晚風吹掠鬢雲偏倩魂銷盡夕陽前蓋憶香嚴詞有
感作也王儼齋以爲柔情一縷能令九轉腸迴雖山抹
微雲君不能道也

徐鉉詞苑叢譚

金粟顧梁汾舍人風神俊朗大似過江人物無錫嚴蓀
友詩曠曠曉日鳳城開才是仙郎下直回絳蠟未銷封
詔罷滿身清露落宮槐其標格如許畫側帽投壺圖長
白成容若題賀新涼一闕於上云德也狂生耳偶然間

納蘭詞

詞話

緇塵京國烏衣門第有酒惟澆趙州土誰會成生此意
不信道遂成知己青眼高歌俱未老向尊前拭盡英雄
淚君不見月如水共君此夜須沉醉且由他蛾眉謠詠
古今同忌身世悠悠何足問冷笑置之而已尋思起從
頭翻悔一日心期千劫在後身緣恐結他生裏然諾重
君須記詞旨欵寄磊落不啻坡老稼軒都下競相傳寫
於是教坊歌曲間無不知有側帽詞者

同上香齋詞話

吳漢槎兆騫戍寧古塔行笥攜徐電發鈞菊莊詞成容
若德側帽詞顧梁汾貞觀彈指詞三冊會朝鮮使臣仇
元吉徐良崎見之以一金餅購去元吉題菊莊詞云中

朝買得菊莊詞讀罷煙霞照海濱北宋風流何處是一
聲鐵笛起相思良崎題側帽彈指二詞云使車昨渡海
東邊攜得新詞二妙傳誰料曉風殘月後而今重見柳
屯田以高麗紙書之寄來中國漁洋續集有新傳春雪
咏蠻徼織弓衣指此 阮葵生茶餘客話

歲丙辰容若年二十三乃一見卽恨識余之晚閱數日
填此曲爲余題照極感其意而私訝他生再結語殊不
祥何意竟爲乙丑五月之讖也傷哉 顧貞觀彈指詞書
贈詞後

康熙初吳漢槎兆騫謫戍盛古塔其友顧貞觀華峯館
於納蘭太傅家寄吳金縷曲云云太傅之子成容若見

納蘭詞

詞話

二

之泣曰河梁生別之詩山陽死友之傳得此而三此事
三千六百日中我當以身任之華峯曰人壽幾何公子
乃以十載爲期邪太傅聞之竟爲道地而漢槎生入玉
門關矣顧生名永者咏其事云金蘭儻使無良友關塞
終當老健兒一說華峯之救吳季子也太傅方宴客手
巨觥謂曰若飲滿爲救漢槎華峯素不飲至是一吸而
盡太傅笑曰余直戲耳卽不飲余豈不救漢槎邪雖然
何其壯也嗚呼公子能文良朋愛友太傅憐才真一時
佳話 袁枚隨園詩話

納蘭詞目錄

卷一

憶江南 一闕

赤棗子 一闕

憶王孫 一闕

玉連環影 一闕

遐方怨 一闕

訴衷情 一闕

如夢令 三闕

天仙子 三闕

江城子 一闕

長相思 一闕

浣溪沙 二闕

昭君怨 二闕

酒泉子 一闕

生查子 五闕

點絳脣 四闕

浣紗溪 三十闕

納蘭詞

目錄

霜天曉角 一闕

菩薩蠻 二十三闕

減字木蘭花 六闕

卜算子 三闕

卷二

采桑子 十三闕

謁金門 一闕

好事近 三闕

一絡索 三闕

清平樂 十闕

憶秦娥 三闕

阮郎歸 一闕

畫堂春 一闕

眼兒嬌 三闕

朝中措 一闕

攤破浣紗溪 六闕

青衫溼 一闕

落花時 一闕

錦堂春 一闕

海棠春 一闕

河瀆神 二闕

太常引 二闕

四犯令 一闕

添字采桑子 一闕

荷葉盃 二闕

尋芳草 一闕

菊花新 一闕

南歌子 三闕

秋千索 三闕

憶江南 二闕

浪淘沙 七闕

卷三 冬令 三闕

虞美人 一闕

雨中花 一闕

鷓鴣天 七闕

河傳 一闕

木蘭花 一闕

虞美人 八闕

鵲橋仙 三闕

納蘭詞

目錄

二

南鄉子 五闕

一斛珠 一闕

紅窗月 一闕

踏莎行 二闕

臨江仙 十闕

曉戀花 八闕

唐多令 三闕

踏莎美人 一闕

蘇幕遮 二闕

淡黃柳 一闕

青玉案 二闕

月上海棠 二闕

一叢花 一闕

金人捧露盤 一闕

洞仙歌 一闕

翦湘雲 一闕

東風齊著力 一闕

滿江紅 三闕

滿庭芳 二闕

河東 一闕

卷四

水調歌頭 二闕

鳳皇臺上憶吹簫 二闕

金菊對芙蓉 一闕

琵琶仙 一闕

御帶花 一闕

念奴嬌 四闕

東風第一枝 一闕

秋水 一闕

木蘭花慢 一闕

水龍吟 二闕

齊天樂 三闕

瑞鶴仙 一闕

雨零鈴 一闕

疎影 一闕

瀟湘雨 一闕

風流子 一闕

沁園春 三闕

金縷曲 九闕

納蘭詞

目錄

三

摸魚兒 二闕

青衫溼 一闕

憶桃源慢 一闕

湘靈鼓瑟 一闕

大酺 一闕

卷五

憶王孫 二闕

調笑令 一闕

憶江南 十一闕

點絳脣 一闕

浣紗溪 六闕

菩薩蠻 三闕

采桑子 四闕

清平樂 一闕

眼兒嬌 三闕

滿宮花 一闕

少年遊 一闕

浪淘沙 二闕

鷓鴣天 二闕

踏莎行 一闕

茶瓶兒 一闕

曉戀花 一闕

南鄉子 一闕

虞美人 一闕

臨江仙 一闕

金縷曲 一闕

納蘭詞目錄終

納蘭詞

目錄

蕙戀芬 一闕

燕群兒 一闕

亂世詞 一闕

鷓鴣天 二闕

金縷曲 一闕

南玉仙 一闕

虞美人 一闕

南鄉子 一闕

納蘭詞卷一

長白納蘭成德容若著 鎮洋汪元治仲安編輯

生思憶江南

昏鴉盡小立恨因誰急雪乍翻香閣絮輕風吹到膽瓶
梅心字已成灰

赤棗子

驚曉漏護春眠格外嬌慵只一作止誤自憐寄語釀花風日
好綠窗來與上琴絃

憶王孫

西風一夜翦芭蕉倦眼經秋耐寂寥強把心情付濁醪

納蘭詞

卷一

讀離騷愁似湘江日夜潮

玉連環影

按此調譜律不載或亦自度曲

何處幾葉蕭蕭雨溼盡簷花花底人無語掩屏山玉爐
寒誰見兩眉愁聚倚闌干

遐方怨

欹角枕掩紅窗夢到江南伊家博山沉水香湔袞歸晚
坐思量輕煙籠翠黛月茫茫

訴衷情

冷落繡衾誰與伴倚香篝春睡起斜日照梳頭欲寫兩

眉愁休休遠山殘翠收莫登樓

如夢令

正是轉轡金井滿砌落花紅冷驀地一相逢心事眼波
難定誰省誰省從此簾紋燈影更不白

又

纖月黃昏庭院語密翻教醉淺知否那人心舊恨新歡
相半誰見誰見珊枕淚痕紅泣

又

木葉紛紛一作黃歸路殘月曉風一作屨何處消息半
一作青苔沉一作衣香今夜相思幾許秋雨秋雨一半西一作

納蘭詞

卷一

二

風吹去

木葉天仙子

夢裏蘼蕪青一翦玉郎經歲音書斷一作遠暗鐘明月不
歸來梁上燕輕羅扇好風又落桃花片

又

好在軟綃紅淚積漏痕斜冒菱絲碧古釵封寄玉關秋
天一作水咫尺人南北不信鴛鴦頭不白

又

水浴涼蟾風入袂魚鱗觸損金波碎好天良夜酒盈樽
心自醉愁難睡西南月落城烏起

江城子

溼雲全壓數峯低影淒迷望中疑非霧非煙神女欲來時若問生涯原是夢除夢裏沒人知

長相思

山一程水一程身向榆關那畔行夜深千帳燈風一更雪一更聒碎鄉心夢不成故園無此聲

相見歡

微雲一抹遙峯冷落溶恰與箇人清曉畫眉同紅蠟淚青綾被水沉濃卻與黃茅野店聽西風

又

納蘭詞

卷一

三

落花如夢淒迷麝煙微又是夕陽潛下小樓西愁無限消瘦盡有誰知閒教玉籠鸚鵡念郎詩

昭君怨

深禁好春誰惜薄暮瑤階佇立別院管絃聲不分明又是梨花欲謝繡被春寒今夜寂寂鎖朱門夢承恩

又

幕雨絲絲吹溼倦柳愁荷風急瘦骨不禁秋總成愁別有心情怎說未是訴愁時節譙鼓已三更夢須成

酒泉子

謝卻荼蘼一片月明如水篆香消猶未睡早鴉唬嫩

寒無賴羅衣薄休傍闌干角最愁人
燈欲落雁還飛
生查子無盡體新開風寒始冷去且爲東風出

東風不解愁偷展湘褰
袂獨夜背紗籠影著纖腰
盡
燕盡水沉煙露滴鴛鴦瓦
花骨冷宜香小立櫻桃下

蘇曼又詞謝眼昏公更請快昏是昏煙盡想憑雨

鞭影落春隄綠錦障泥捲
脈脈逗菱絲嫩水吳姬眼
鬢膝帶香歸誰整櫻桃
醺蠟淚惱東風舊壘眠新燕

天本又吳曼一自西窗自於楚宮宮笑盡夢無眠

散帙坐凝塵吹氣幽蘭竝
茶名龍鳳團香字鴛鴦餅

玉局類彈棋顛倒雙棲影
花月不曾閒莫放相思醒

納蘭詞

卷一

四

正風又韻

短焰剔殘花夜久邊聲
寂倦舞卻聞雞暗覺青綾溼
天水接冥濛一角西南白
欲渡浣花溪遠夢輕無力

又香韻

惆悵彩雲飛碧落知何許
不見合歡花空倚相思樹
總是別時情那得分明語
判得最長宵數盡厭厭雨

燕盡點絳脣

東風不咏風蘭

別樣幽芬更無濃豔
催開處凌波欲去且爲東風住

忒煞蕭疎怎耐秋如許
還留取冷香半縷第一湘江雨

又

對月

一種蛾眉下弦不似初弦好庚郎未老何事傷心早

素壁斜輝竹影橫窗掃空房悄烏唳欲曉又下西樓了

又

黃花城早望

五夜光寒照來積雪平于棧西風何限自起披衣看

對此茫茫不覺成長歎何時旦曉星欲散飛起平沙雁

又

小院新涼晚來頓覺羅衫薄不成孤酌形影空酬酢

納蘭詞

卷一

五

蕭寺憐君別緒應蕭索西風惡夕陽吹角一陣槐花落

浣紗溪

淚浥紅箋第幾行喚人嬌鳥怕開窗那更一作能閒過好

時光一作屏障厭看金碧畫一作盡誤羅衣不奈水沉香偏翻

眉譜只尋常

又

伏雨朝寒愁不勝那能還傍杏花行去年高摘鬪輕盈

一漫惹爐煙雙裏紫空將酒暈一衫青人間何處問多

情

又

誰念西風獨自涼
蕭蕭黃葉閉疎窗
沉思往事立殘陽
被酒莫驚春睡重
賭書消得潑茶香
當時祇一作止是尋常

又西坡詩五園香黃葉因謝香爐隔香風

蓮漏三聲燭半條
杏花微雨溼輕綃
那將紅豆寄無聊
春色已看濃似酒
歸期安得信如潮
離魂入夜倩誰招

招無邊雲遊人已去風聲漸減空留兩箇河漢風吹

雨想又歸風吹水聲漸減空留兩箇河漢風吹

消息誰傳到拒霜
兩行斜雁碧天長
晚秋風景倍淒涼
銀蒜押簾人寂寂
玉釵敲燭信茫茫
黃花開也近重

納蘭詞

卷一

六

陽

又

雨歇梧桐淚乍收
遣懷翻自憶從頭
摘花銷恨舊風流
簾影碧桃人已去
屢痕蒼蘚逕空留
兩眉何處月如鉤

鉤

又

西郊馮氏園看海棠因憶香巖詞有感

誰道飄零不可憐
舊遊時節好花天
斷腸人去自今

年一作經一片暈紅疑一作才著雨晚風吹掠鬢雲偏一作幾

柔柳乍和煙倩魂銷盡夕陽前

又

按此闕與前伏雨朝寒一闕大同小異查顧本西郊二闕接錄故因之詞當並見

酒醒香銷愁不勝如何更向落花行去年高摘鬪輕盈
夜雨幾番銷瘦了繁華如夢總無憑人間何處問多

情欲言不盡空望幽隙曉燈寒更兼同事恹恹

欲問紅梅瘦幾分只看愁損翠羅裳麝篝衾冷惜餘熏

更可奈暮寒長倚竹便教春好不開門枇杷花下校書

人自道

一半又詞小不若未嫌餘空樽金盞倚闌無餘不銷愁

納蘭詞

卷一

七

一半殘陽下小樓朱簾斜控軟金鈎倚闌無緒不能愁

有箇盈盈騎馬過薄妝淺黛亦風流見人羞澀卻回

頭

又

睡起惺忪強自支綠傾蟬鬢下簾時夜來愁損小腰肢

那遠信不歸空佇望幽期細數卻參差更兼何事耐尋

思亦雨

又

五月江南麥已稀黃梅時節雨霏微閒看燕子教雛飛
一水濃陰如罨畫數峯無恙又晴暉前袞誰獨上魚

磯

又

殘雪凝輝冷畫屏落梅橫笛已三更更無人處月朧明
我是人間惆悵客知君何事淚縱橫斷腸聲裏憶平

又

咏五更和湘真韻

微暈嬌花溼欲流簾紋鐙影一生愁夢回疑在遠山樓
殘月暗窺金屈戌軟風徐蕩玉簾鉤待聽鄰女喚梳
頭

納蘭詞

卷一

八

又

五字詩中目乍成儘教殘福折書生手按綉帶那時情
別後心期和夢杳年來憔悴與愁并夕陽依舊小窗
明

又

記縮長條欲別難盈盈自此隔銀灣便無風雪也摧殘
青雀幾時裁錦字玉蟲連夜翦春幡不禁辛苦况相

關

關書殘獸空書展卷辭對笛月三更更無人處月朧明

又

麴

古北口

楊柳千條送馬蹏北來征雁舊南飛客中誰與換春衣
時 終古閒情歸落照一春幽夢逐游絲信回剛道別多

又

身向雲山那畔行北風吹斷馬嘶聲深秋遠塞若爲情
平 一抹晚煙荒戍壘半竿斜日舊關城古今幽恨幾時

又

萬里陰山萬里沙誰將綠鬢一作髮鬪霜華年來強半在
天涯 魂夢不離金屈戌畫圖親展玉鴉又生憐瘦減

納蘭詞

卷一

九

一分花

又

庚申除夜

收取一作淨歸閒心冷處濃舞袞猶憶柘枝紅誰家刻燭待
春風 竹葉樽空翻綵燕九枝燈炮顛金蟲風流端合
倚天公

又

紅橋懷古和王阮亭韻

無恙年年汴水流一聲水調短亭秋舊時明月照揚州
惆悵絳河何處去一作曾是長隄牽錦纜綠楊清瘦綰離一作至今

愁至今鼓吹竹西樓

一作玉鉤斜路近迷樓

只艸言

又香豈畫氣樓林邊香半窗對風飛燕語

鳳髻拋殘秋草生高

一作官

梧溼月冷無聲當時七夕有

一作

深盟

信得羽衣傳鈿合悔教羅襪送

一作

傾城

人間空唱雨淋鈴

又兼翠袖

腸斷斑駁去未還繡屏深鎖鳳簫寒一春幽夢有無間

一逗雨疎花濃澹改關心芳草

一作字

淺深難不成風月

轉摧殘

又

納蘭詞

卷一

十

旋拂輕容寫洛神須知淺笑是深顰

一作

十分天與可

憐春

掩抑薄寒施軟障抱持纖影藉芳茵未能無意

下香塵

又

十二紅簾窄地深才移剗鞦又沉吟晚晴天氣惜輕陰

珠袂佩囊三合字寶釵攏髻兩分心定緣何事溼蘭

襟

又

容易濃香近畫屏繁枝影著半窗橫風波狹路倍憐卿

未接語言猶悵望才通商畧已膏騰只嫌

一作

今夜

月偏明

又

紫玉釵斜燈影背紅絲粉冷枕函邊相看好處卻無

言

又

按邊字兩押當課

萬蕩橋邊理釣筒苧蘿西去五湖東筆牀茶竈太從容

况有短牆銀杏雨更兼高閣玉蘭風畫眉閒了畫芙蓉

納蘭詞

卷一

十一

欲寄愁心朔雁邊西風濁酒慘離筵黃花時節碧雲天

古戍烽煙迷斥堠夕陽邨落解鞍羈不知征戰幾人

還

又

敗葉填溪水已冰夕陽猶照短長亭行來

題名

駐馬客臨碑上字鬪雞人撥佛前燈勞勞塵世

幾時醒

一作淨消塵

土禮金經

霜天曉角

夢回酒醒三通鼓斷腸嗁鳩花飛處新恨隔紅窗羅衫
淚幾行不相思何處說空有當時月月也異當時團欒
照鬢絲

窗間又

催花未歇花奴鼓酒醒已見殘紅舞不忍覆餘觴臨風

淚數行粉香看欲別空牘當時月月也異當時淒清

照鬢絲

按上二闕異同
參半故兩存之

又

納蘭詞 卷一 三

早春

曉寒瘦著西南月丁丁漏箭餘香咽春已十分宜東風

無是非蜀魂羞顧影玉照斜紅冷誰唱後庭花新年

憶舊家

又

窗間一作桃蘂嬌如倦東風淚洗胭脂面人在小紅樓

離情唱石州夜來雙燕宿鐙背屏腰綠香盡雨闌珊

薄衾寒不寒

又

朔風吹散三更雪倩魂猶戀桃花月夢好莫催醒由他

好處行 無端聽畫角枕畔紅冰薄塞馬一聲嘶殘星
拂大旗

問君何事輕離別一年能幾團欒月楊柳乍如絲故園
春盡時 春歸歸不得兩槩松花隔舊事逐寒潮唳鵓
恨未消

爲陳其年題照

烏絲曲倩紅兒譜蕭然半壁驚秋雨曲罷髻鬟偏風姿
眞可憐 鬢髯渾似戟時作簪花劇背立訝卿卿知卿
納蘭詞

無那情

又

宿灤河

玉繩斜轉疑清曉淒淒白月漁陽道星影漾寒沙微茫
織浪花 金笳鳴故壘喚起人難睡無數紫鴛鴦共嫌
今夜涼

又

荒雞再咽天難繞星榆落盡秋將老瓊幕繞牛羊敲水
飲酪漿 山程兼水宿漏點清鉦續正是夢回時擁衾
無限思

又 驚颺掠地冬將半解鞍正值昏鴉亂水合大河流茫茫
一片愁 燒痕空極望鼓角高城上明日近長安客心
愁未闌

又 襟荆滿眼山城路征鴻不爲愁人住何處是長安溼雲
吹雨寒 絲絲心欲碎應是悲秋淚淚向客中多歸時
又奈何

又 黃雲紫塞三千里女牆西畔嗚烏起落日萬山寒蕭蕭
納蘭詞 卷一 五

又 獵馬還 笳聲聽不得入夜空城黑秋夢不歸家殘燈
落碎花 又 又

又 寄顧梁汾茗中 知君此際情蕭索黃蘆苦竹孤舟泊煙白酒旗青水邨
魚市晴 柁樓今夕夢脈脈春寒送直過畫舂橋錢塘
江上潮

又 蕭蕭幾葉風兼雨離人偏識長更苦欹枕數秋天蟾蜍
早下弦 夜寒驚被薄淚與銜花落無處不傷心輕塵

在玉琴 嘒嘒絲一吐與會譜驚瓦木汲小關干之題

春雲又 蕭蕭雨濛濛 撲撲與飛飛 豈非人非王對中對高

爲春憔悴留春住 那禁半霎催歸雨 深巷賣櫻桃 雨餘

紅更嬌 黃昏清淚閣 忍便花飄泊 消得一聲鶯東風

三月情 畫餘更文斜 央央流鶯起半 柳梢開盡 欲送

關風又 雨對寒食 對對一 亦亦 疑難 與與 綠綠 宜 窗

晶簾一片傷心白 雲鬟香霧成遙隔 無語問添衣 桐陰

月已西 西風鳴絡緯 不許愁人睡 只是去年秋如何

淚欲流 對對 對對 對對 對對 對對 對對 對對 對對 對對

晶簾又 雨對寒食 對對一 亦亦 疑難 與與 綠綠 宜 窗

納蘭詞

卷一

烏絲畫作回文紙 香煤暗蝕藏頭字 箏雁十三雙 輸他

作一行 相看仍似客 但道休相憶 索性不還家 落殘

紅杏花 對對 對對 對對 對對 對對 對對 對對 對對 對對

晶簾又 雨對寒食 對對一 亦亦 疑難 與與 綠綠 宜 窗

闌風伏雨催寒食 櫻桃一夜花狼籍 剛與病相宜 瑣窗

薰繡衣 畫眉煩女伴 央及流鶯喚 半晌試開奩 嬌多

直自嫌 黃昏清淚閣 忍便花飄泊 消得一聲鶯東風

晶簾又 雨對寒食 對對一 亦亦 疑難 與與 綠綠 宜 窗

春雲吹散湘簾雨 絮黏蝴蝶飛 還住人在玉樓中 樓高

四面風 柳煙絲一把 暝色籠鴛瓦 休近小闌干 夕陽

無限山

減字木蘭花

月不湖新月

晚妝欲罷更把纖眉臨鏡畫準待分明和雨和煙兩不勝
莫教星替守取團圓終必遂此夜紅樓天上人間
一樣愁

四王又

燭花搖影冷透疎衾剛欲醒待不思量不許孤眠不斷
腸茫茫碧落天上人間情一諾銀漢難通穩耐風波
願始從

納蘭詞

卷一

七

又

相逢不語一朵芙蓉著秋雨小暈紅潮斜溜鬢心隻鳳
翹待將低喚直爲凝情恐人見欲訴幽懷轉過回闌
叩玉釵

又

從教鐵石每見花開成惜惜淚點難消滴損蒼煙玉一
條憐伊太冷添箇紙窗疎竹影記取相思環珮歸來
月下時

又

斷魂無據萬水千山何處去沒箇音書盡日東風上綠

除 故園春好寄語落花須自掃莫恨傷春同是懨懨
多病人

又十日

花叢冷眼自惜尋春來較晚知道今生知道今生那見
卿天然絕代不信相思渾不解若解相思定與韓憑
共一枝

新柳

嬌軟不勝垂瘦怯那禁舞多事年年二月風翦出鵝黃
縷一種可憐生落日

納蘭詞

卷一

六

迷行處

又

塞寒一作夢

塞草晚才青日落簫笳動慄慄淒淒入夜分催度星前
夢一語絲楊煙怯踏銀河東行盡關山到白狼相見
唯珍重

又

午日

邨靜午雞噉綠暗新陰覆一展輕帘出畫牆道是端陽
酒早晚夕陽蟬又噪長隄柳青鬢長青自古誰彈指

黃花九

納蘭詞卷一終

錢唐汪燿校

納蘭詞

卷一

九

納蘭詞卷一終

錢唐汪燿校

黃花九

納蘭詞卷二

長白納蘭成德容若著 鎮洋汪元治仲安編輯

采桑子

彤雲久絕飛瓊字人在誰邊人在誰邊今夜玉清眠不
眠香銷被冷殘燈滅靜數秋天靜數秋天又誤心期
到下弦

一又

誰翻樂府淒涼曲風也蕭蕭雨也蕭蕭瘦盡燈花又一
宵曾不知何事縈懷抱醒也無聊醉也無聊夢也何曾
到謝橋

納蘭詞

卷二

任爾又

嚴宵一作霜擁絮頻驚起撲面霜空斜漢朦朧冷逼氈帷

火不紅香篝翠被渾閒事回首西風數盡殘一作何處疎

鐘一穗燈花似夢中

任爾又

冷香縈遍紅橋夢夢覺城笳一作聞鴉月上桃花雨歇春寒

燕子家一作篁篻別後誰能鼓腸斷天涯暗損韶華一縷

茶煙透碧紗

又 納蘭詞卷二 鎮洋汪元治仲安編輯

納蘭詞卷二 春雨

嫩煙分染鵝兒柳一樣風絲似整如欹才著春寒瘦不
支涼侵曉夢輕蟬膩約畧紅肥不惜葳蕤碾取名香
作地衣

又

塞上咏雪花

非關癖愛輕模樣冷處偏佳別有根芽不是人間富貴
花謝娘別後誰能惜飄泊天涯寒月悲笳萬里西風
瀚海沙

又

桃花羞作無情死感激東風吹落嬌紅飛入窗間伴懊
納蘭詞

卷二

二

儂誰憐辛苦東陽瘦也爲春慵不及芙蓉一片幽情
冷處濃

又

撥鐙書盡紅箋也依舊無聊玉漏迢迢夢裏寒花隔玉
簫幾竿脩竹三更雨葉葉蕭蕭分付秋潮莫誤雙魚
到謝橋

又

涼生露氣湘絃潤暗滴花梢簾影誰搖燕蹴風絲上柳
條舞餘鏡匣開頻掩檀粉慵調朝淚如潮昨夜香衾

一作覺夢遙

良時一對風絲

詞回又

土花曾染湘娥黛鉛淚難消清韻誰敲不是犀椎是鳳
翹祇應長伴端溪紫割取秋潮鸚鵡偷教方響前頭
見玉簫金門

詞回又

謝家庭院殘更立燕宿雕梁月度銀牆不辨花叢那辨
香目此情已自成追憶零落鴛鴦雨歇微涼十一年前
夢一場

詞回又

而今才一作誰道當時錯心緒淒迷紅淚偷垂滿眼春風

納蘭詞

卷二

三

百事非情知此後來無計強說歡期一別如斯落盡
梨花月又西

詞回又

明月多情應笑我笑我如今孤負春心獨自閒行獨自
吟近來怕說當時事結徧蘭襟月淺鐙深夢裏雲歸
何處尋

良王謁金門

風絲裊水浸碧天清曉一鏡溼雲青未了雨晴春草草
夢裏輕蹀誰掃簾外落花紅小獨睡起來情悄悄寄
愁何處好

不盡離入話
又

百無期 雪星

密灑征鞍無數冥迷遠樹亂山重疊香難分似五里濛濛霧
惆悵瑣窗深處溼花輕絮當時悠颺得人憐也
都是濃香助

清平樂

煙輕雨小望裏青難了一縷斷虹垂樹杪又是亂山殘照
憑高目斷征途暮雲千里平蕪日夜河流東下錦書應託雙魚

納蘭詞

卷二

五

又

青陵蝶夢倒挂憐幺鳳褪粉收香情一種棲傍玉釵偷共
悵悵鏡閣飛蛾誰傳錦字秋河蓮子依然隱霧菱花偷惜橫波

又

將愁不去秋色行難住六曲屏山深院宇日日風風雨
雨雨晴籬菊初香人言此日重陽回首涼雲暮葉黃昏無限思量

又

淒淒切切慘澹黃花節夢裏砧聲渾未歇那更亂蛩悲

咽 塵生燕子空樓拋殘絃索牀頭一樣曉風殘月而
今觸緒添愁

憶梁汾

才聽夜雨便覺秋如許繞砌蛩蟻人不語有夢轉愁無
據 亂山千疊橫江憶君遊倦何妨知否小窗紅燭照
人此夜淒涼

塞鴻去矣錦字何年寄記得鐙前伴忍淚卻問明朝行
未 別來幾度如珪飄零落葉成堆一種曉寒殘夢淒

納蘭詞

卷二

涼畢竟因誰

風鬟雨鬢偏是來無準倦倚玉闌看月暈容易語低香
近 此軟風吹過窗紗心期便隔天涯從此傷春傷別黃

昏只對梨花

秋思

涼雲萬

一作孤

葉斷送清秋節寂寂繡屏香篆滅暗裏

朱顏消歇

一作誰

憐照影

一作散

吹笙天涯芳草關情懊惱

隔簾幽夢半牀窗

一作花

月縱橫

又

卷重來 彈琴峽題壁

泠泠徹夜誰是知音者如夢前朝何處也一曲邊愁難
寫窮極天關塞雲中人隨雁落西風喚取紅襟一作翠
衷莫教淚灑英雄

又

元夜月蝕

瑤華映闕烘散萋暉雪比似尋常清景別第一團樂時
節影蛾忽泛初弦分輝借與宮蓮七寶修成合璧重
輪歲歲中天

納蘭詞

卷二

七

憶秦娥

龍潭口

山重疊懸崖一綫天疑裂天疑裂斷碑題字古苔橫齧
風聲雷動鳴金鐵陰森潭底蛟龍窟蛟龍窟興亡滿
眼舊時明月

又

春深淺一痕搖漾青如翦青如翦鷺鷥立處煙蕪平遠

吹開吹謝東風倦細桃自惜紅顏變紅顏變免葵燕

麥重來相見

又

長飄泊多愁多病心情惡
心情惡模糊一片強分哀樂
擬將歡笑排離索鏡中無
奈顏非昨顏非昨才華尙
淺因何福薄

阮郎歸

斜風細雨正霏霏
畫簾拖地垂屏山
幾曲篆煙一作微香
閒庭柳絮飛
新綠密亂紅稀
乳鶯殘日嗁春一作寒餘
欲透縷金衣
落花郎未歸

畫堂春

一生一代一雙人
爭教兩處銷魂
相思相望不相親
天爲誰春
漿向藍橋易乞藥
成碧海難奔若容相訪飲

納蘭詞

卷二

八

牛津相對忘貧

一本眼兒嬌

獨倚一作依約春寒掩一作斂夕霏一作扉清露泣一作上露銖衣

玉簫吹夢金釵一作斂劃一作劃影悔不同一作重攜刻殘

紅燭曾相待舊事總依稀一作閒思往事會相待央及小風吹料應遺一作

同恨月中教去花底催歸

又

重見星娥碧海槎
忍笑卻盤鴉
尋常多少月
明風細今夜偏佳
休籠彩筆閒書字
街鼓已三搗
煙絲欲裊露光微
泣春在桃花

殘紅蠟淚幾時乾

又

小立紅橋柳半垂
越羅裘颺縷金衣
采得石榴雙葉子
欲遺誰
便是有情當落月
只應無伴送斜暉
寄語東風休著力
不禁吹

又

一霎燈前醉不醒
恨如春夢畏分明
澹月澹雲窗外雨
一聲聲
人到情多情轉薄
而今眞箇不多情
又聽鷓鴣嗚
嗚嗚徧了短長亭

納蘭詞

卷二

十

昨夜濃香分外宜
天將妍暖護雙棲
燭影微紅玉軟
燕釵垂
幾爲愁多翻自笑
那逢歡極卻含嗔
央及蓮花清漏滴
莫相催

青衫溼

悼亡

近來無限傷心事
誰與話長更從教
分付綠窗紅淚
早雁初鶯
當時領畧而今斷
送總負多情
忽疑君到
漆鐙風颭癡數
春星

落花時

按此詞譜律不載或亦
自度曲一本作好花時

夕陽誰喚下樓梯一握香萸回頭忍笑階前立總無語
也相宜一作依依低聲卻道相思直恁無憑據休說相思
勸伊好向紅窗醉須莫及落花時

按一本換頭作箋書直恁無憑據一句

錦堂春

秋海棠

簾外一作簾際澹煙一縷一作痕輕綠牆陰幾簇低花夜來微雨

西風裏一作軟無力任欹斜彷彿箇人睡起暈紅不著

鉛華天寒翠裏添淒楚愁近欲棲鴉

海棠春

納蘭詞

卷二

落紅片片渾如霧不教更覓桃源路香徑晚風寒月在
花飛處薔薇影暗空凝佇任碧颭輕衫縈住驚起早
棲鴉飛過秋千去

河瀆神

風緊雁行高無邊落木蕭蕭楚天魂夢與香銷青山暮

暮朝朝斷續涼雲來一縷飄墮幾絲靈雨今夜冷紅

浦澈鴛鴦棲一作飛向何處

又

涼月轉雕闌蕭蕭木葉聲乾銀鐙飄箔瑣窗閒枕屏幾
疊秋山朔風吹透青縑被藥鑪火煖初沸清漏沉沉

無寐爲伊判得憔悴

太常引

自題小照

西風乍起峭寒生
驚雁避移營
千里暮雲平
休回首
長亭短亭
無窮山色無邊往事
一例冷清清
試倩玉簫聲
喚千古英雄夢醒

又

晚來風起撼花鈴
人在碧山亭
愁裏不堪聽
那更雜泉聲
雨聲
無憑蹤跡無聊心緒
誰說與多情
夢也不分明
又何必催教夢醒

納蘭詞

卷二

五

四犯令

麥浪翻晴風颭柳
已過傷春候
因甚爲他成僝僽
畢竟是春拖逗
紅藥闌邊攜素手
暖語濃于酒
盼到園花鋪似繡
卻更比春前瘦

添字采桑子

亭

按此調詞律不載詞譜有促拍采桑子
字同句異則或亦自度曲一本作采花

王

閒愁似與斜陽約
紅點蒼苔
蛺蝶飛回又是梧桐新綠
影上階來
天涯望處音塵斷
花謝花開懊惱離懷空
壓鈿筐
金綫縷
一作縷
合歡鞦韆

無寐荷葉盃

簾卷落花如雪煙月誰在小紅亭玉釵敲竹乍聞聲風
影畧分明化作彩雲飛去何處不隔枕函邊一聲將
息曉寒天腸斷又今年

知己一人誰是已矣贏得誤他生多情終古似無情莫
問醉耶醒天未是看來如霧朝暮將息好花天爲伊指
點再來緣疎雨洗遺鈿

尋芳草

蕭寺紀夢

客夜怎生過夢相伴綺窗冷和薄暝伴笑道若不是恁
納蘭詞

卷二

三

淒涼肯來麼 來去苦怱怱準擬待曉鐘敲破乍恨人
一閃鎧花墮卻對著琉璃火

菊花新

送張見陽令江華

愁絕行人天易暮行向鷓鴣聲裏住渺渺洞庭波木葉
下楚天何處折殘楊柳應無數趁離亭笛聲催度有
幾箇征鴻相伴也送君南去

南歌子

翠裏凝寒薄簾衣入夜空病容扶起月明中惹得一絲
殘篆舊熏籠暗覺歡期過遙知別恨同疎花已是不

禁風那更夜深清露溼愁紅

又對千索 謝外人共與謝春冷盡懣懣

暖護櫻桃藥寒翻映曉翎東風吹綠漸冥冥不信一生

憔悴伴嗁鶯 素影飄殘月香絲拂綺櫺百花迢遞玉

釵聲索向綠窗尋夢寄餘生

奈竟又春無語 懣懣懣盡風前聚又百正暗尖難共

藥關難古成藥詩奪不消香人與劍向東風灑此對

古戍飢烏集荒城野雉飛何年劫火贖殘灰試看英雄

碧血滿龍堆 玉帳空分壘金笳已罷吹東風回首盡

成非不道興亡命也豈人為

納蘭詞

卷二

古

秋千索

按此調譜律不載或亦自度曲一本作撥香灰

古水亭春望 乘向平陸火靈炎燭香英

藥闌攜手銷魂侶爭不記看承人處除向東風訴此情

奈竟日春無語 悠揚撲盡風前絮又百五韶光難住

滿地梨花似去年卻多了廉纖雨

游絲又無語 香絲將絲繡百其承

游絲斷續東風弱怕無語半垂簾幕紅裏誰招曲檻邊

颺一縷秋千索 惜花人共殘陽薄春欲盡纖腰如削

新月才堪照獨愁卻又照梨花落

又夢風驟 珠和淚 淚珠自淚 蘭日掩風 珠金
爐邊換酒雙鬟亞春已到賣花簾下無道香塵碎綠蘋
看白袷親調馬 煙絲宛宛愁縈挂贖幾筆晚晴圖畫
半枕芙蓉壓淚眠教費盡鶯兒話

憶江南

宿雙林禪院有感 宿雙林禪院有感 宿雙林禪院有感

心灰盡有髮未全僧風雨消磨生死別似曾相識只孤
檠情在不能醒 搖落後清吹那堪聽浙瀝暗飄金井
葉乍開風定又鐘聲薄福薦傾城 詠天土人間其難

又

納蘭詞

卷二

五

挑鐙坐坐久憶年時薄霧籠花嬌欲泣夜深微月下楊
枝催道太眠遲 憔悴去此恨有誰知天上人間俱悵
望經聲佛火兩凄迷未夢已先疑 夢裏猶聽金井

浪淘沙

紅影溼幽窗瘦盡春光雨餘花外卻斜陽誰見薄衫低
髻子還惹思量 莫道不凄凉早近持觴暗思何事斷
人腸曾是向他春夢裏暫遇回廊

又

蒼譜待全刪別畫秋山朝雲漸入有無間莫笑生涯渾
是夢好夢原難 紅味啄花殘獨自凭闌月斜風起袷

衣單消受春風都一例若箇偏寒

又

紫玉撥寒灰心字全非疎簾猶自隔花垂半卷夕陽紅
雨入燕子來時中回首碧雲西多少心期短長亭外短
長隄百尺遊絲千里夢無限淒迷

夜雨做成秋恰上心頭教他珍重護風流端的爲誰添

病也更爲誰羞密密意未曾休密願難酬珠簾四卷月
當樓暗憶歡期真似夢夢也須留密密意未曾休密願難酬珠簾四卷月

野店近荒城砧杵無聲月低霜重莫閒行過盡征鴻書

納蘭詞

卷二

去

未寄夢又難憑身身世等浮萍病爲愁成寒宵一片枕
前冰料得綺窗孤睡覺一倍關情

風偏著一作意做盡一作秋聲一作城柝已三更欲睡還

醒一作薄寒中夜掩銀屏一作柔情深

俗念一作情醒不得多怎又一作多情一作會染戒香消

清鏡上朝雲宿篆猶薰一春雙袂盡嗁痕那更夜來孤

又

清鏡上朝雲宿篆猶薰一春雙袂盡嗁痕那更夜來孤

枕側又夢歸人 花底病中身懶畫湘文蕩絲裳帶奈
銷魂繡榻定知添幾綫寂掩重門

江元吉仲安編輯

納蘭詞卷二終

太倉周升堂校

納蘭詞

卷二

七

納蘭詞卷二終

太倉周升堂校

又

自... 雨... 已是不堪聽那東西
... 城... 已三更欲睡
... 會... 香消

餘英蘇麟室吟添幾線寂掩重門
詞詞又夢歸人 花底病中身懶畫湘文蕩絲裳帶奈

納蘭詞卷三

長白納蘭成德容若著 鎮洋汪元治仲安編輯

雨中花

送徐藝初歸崑山

天外孤帆雲外樹看又是春隨人去水驛鐙昏關城月
落不算淒涼處計程應惜天涯暮打疊起傷心無數
中坐波濤眼前冷暖多少人難語

鷓鴣天

獨背殘陽上小樓誰家玉笛韻偏幽一行白雁遙天暮
幾點黃花滿地秋驚節序歎沉浮穠華如夢水東流

納蘭詞

卷三

人間所事堪惆悵莫向橫塘問舊遊

雁帖寒雲次第飛向南猶自怨歸遲誰能瘦馬關山道

又到西風撲鬢時人杳杳思依依更無芳樹有烏啼

憑將埽黛窗前月持向今朝照別離

別緒如絲睡不成那堪孤館夢邊城因聽紫塞三更雨

卻憶紅樓半夜鐙書鄭重恨分明天將愁味釀多情

起來呵手封題處偏到鴛鴦兩字冰

珊香銷輕夢還斜倚畫屏思往事皆不是空作相思
字記當時垂柳絲花枝滿庭蝴蝶兒

高峯木蘭花

又擬古决絕詞柬友

人生若只如初見何事秋風悲畫扇等閒變卻故人心
卻道故人心易變驪山語罷清宵半淚雨零鈴終不

怨何如薄倖錦衣郎比翼連枝當日願

虞美人

春情只到梨花薄片催零落斜陽何事近黃昏不道

人間猶有未招魂銀箋別記當時句一作夢密綰同

納蘭詞

卷三

三

心苴一作珍重為伊判作一作郎夢中人索一作向畫

圖影裏一作清夜喚真真一作喚真真一作喚真真一作喚真真

又美人

曲闌深處重相見勻淚假人顫凄凉別後兩應同最是
不勝清怨月明中半生已分孤眠過山枕檀痕澆憶

來何事不銷魂第一折枝花樣畫羅袂

又擬古决絕詞柬友

高峯一作獨石一作當頭起凍合一作雙溪水馬嘶人

語各西東行到斷崖無路小橋通一作朔鴻過盡音書一作

歸一作香容裏年華悄一作又將絲淚溼斜陽多少一作

同十三陵樹亂

一作暮

雲黃

又

黃昏又聽城頭角病起心情惡藥鑪初沸短檠青無那
殘香半縷惱多情 多情自古原多病清鏡憐清影一
聲彈指淚如絲央及東君休遣玉人知

又

彩雲易向秋空散燕子憐長歎幾番離合總無因贏得
一回倜傥一回親 歸鴻舊約霜前至可寄香箋字不
如前事不思量且枕紅粧歛側看斜陽

納蘭詞

卷三

四

銀牀浙瀝青梧老屢粉秋蟲掃采香行處蹙連錢拾得
翠翹何恨不能言 回廊一寸相思地落月成孤倚背
鐙和月就花陰已是十年踪跡十年心

爲梁汾賦

憑君料理花間課莫負當初我眼看雞犬上天梯黃九
自招秦七共泥犁 瘦狂那似癡肥好判任癡肥笑笑
他多病與長貧不及諸公袞袞向

一作健
飯走

風塵

又

殘鐙風滅鑪煙冷相伴唯孤影判教狼籍醉清樽爲問

世間醒眼是何人 難逢易散風間酒 飲罷空搔首 閒
愁總付醉來眠 只恐醒時依舊到樽前

鸚鵡橋仙 只具 風定香閣香丸著 幾度春歸 綠柳

倦收細帙 悄垂羅幕 盼煞一鐙紅 小便容生受博山香
銷折得狂名多少 是伊緣薄 是儂情淺 難道多磨更
好不成 寒漏也相催 索性儘荒雞唱了

蘇秦又 爲余餘 蘇秦又 爲余餘 蘇秦又 爲余餘 蘇秦又 爲余餘

夢來雙倚醒時 獨擁窗外一簷新月 尋思常自悔分明
無奈卻照人清切 一宵鐙下連朝鏡裏瘦盡十年花
骨前期總約上元時 怕難認飄零人物

納蘭詞

卷三

蘇秦又 爲余餘 蘇秦又 爲余餘 蘇秦又 爲余餘 蘇秦又 爲余餘

無奈何七夕 蘇秦又 爲余餘 蘇秦又 爲余餘 蘇秦又 爲余餘 蘇秦又 爲余餘

乞巧樓空影娥池冷 說著淒涼無算 叮嚀休曝舊羅衣
憶素手爲余縫綻 蓮粉飄紅菱花掩碧 瘦了當初一
半今生 鈿盒表子心 祝天上人間相見

蘇秦又 爲余餘 蘇秦又 爲余餘 蘇秦又 爲余餘 蘇秦又 爲余餘

南鄉子 蘇秦又 爲余餘 蘇秦又 爲余餘 蘇秦又 爲余餘 蘇秦又 爲余餘
飛絮晚悠颺 斜日波紋動畫梁 刺繡女兒樓上立柔腸
愛看晴絲百尺長 風定卻聞香吹落 殘紅在繡牀 休
墮玉釵驚比翼 雙雙共啜蘋花綠 滿塘

蘇秦又 爲余餘 蘇秦又 爲余餘 蘇秦又 爲余餘 蘇秦又 爲余餘

搗衣

鴛瓦已新霜欲寄寒衣轉自傷見說征夫容易瘦端相
夢裏同時仔細量支枕怯空房且拭清砧就月光已
是深秋兼獨夜凄涼月到西南更斷腸

御溝曉發

鐙影伴鳴梭織女依然怨隔河曙色遠連山色起青螺
回首微茫憶翠蛾凄切客中過未一作抵秋闈一半
多一世疎狂應為著橫波作個鴛鴦消得麼

納蘭詞

卷三

六

煙暖雨初收落盡繁華小院幽摘得一雙紅豆子低頭
說著分攜淚暗流人去似春休卮酒曾將醉石尤別
自有人桃葉渡扁舟一種煙波各自愁

為亡婦題照

淚咽更無聲止向從前悔薄情憑仗丹青重省識盈盈
一片傷心畫不成京別語忒分明午夜鷓鴣夢早醒卿
自早醒儂自夢更更泣盡風前夜雨鈴

壽元夜月蝕

星球映徹一痕微
褪梅梢雪紫姑待話
經年別竊藥心
灰慵把菱花揭
踏歌才起清鉦歇
扇紈仍似秋期潔
天公畢竟風流絕
教看蛾眉特放些
時缺

風香紅窗月

按詞律作紅窗

金鼎寒香玉潤春草綠中合

倚闌照影

一名紅窗迴

心裏共

夢闌酒醒

一作燕歸花謝

早因循過了

一作又過

清明是一般心事

一作風景

兩樣愁

情猶記回廊

一作碧桃

影裏誓生三

金釵鈿盒當時贈

一作烏絲闌紙嬌紅篆

慳慳春

一作青星道休

孤密約鑿取深盟語罷一絲清

一作香

露溼銀屏

春水踏莎行

山

納蘭詞

卷三

七

春水鴨頭春山鸚嘴煙絲無力風斜倚
百花時節好逢迎
可憐人掩屏山睡
密語移鐙閒情枕臂從教醞釀
孤眠味春鴻不解諱
相思映窗書破人人字

風景

又

寄陽

夢闌醉寄見陽

早因

醉

倚柳題箋當花側
帽賞心應比驅馳好
錯教雙鬢受東風
看吹綠影成絲早
金殿寒鴉玉階春草
就中冷暖和誰道
小樓明月鎮長閒
人生何事縑塵老

大辭臨江仙

寄嚴蓀友

星海烟寄嚴蓀友

寄嚴蓀友

別後閒情何所寄
初鶯早雁相思如
今憔悴異當時
飄零心事殘
月落花知
生小不知江上路
分明卻到梁溪
匆匆欲話分攜
香消夢冷窗白
一聲雞

春回又

永平道中

獨客單衾誰念我
曉來京雨聽
聽檝書欲寄
又還休箇
儂憔悴
禁得更添愁
曾記年年三月病
而今病向深

秋盧龍風景
白人頭
藥鑪煙裏支枕聽
河流

更千又

謝餉櫻桃

納蘭詞

卷三

八

綠葉成陰春盡也
守宮偏護
星星留將顏色
慰多情分
明千點淚
貯作玉壺冰
獨臥文園方病渴
強拈紅豆
酬卿感卿
珍重報流鶯
惜花須自愛
休只爲花疼

詞又

會宿羊羊三月歲而今

絲雨如塵雲著水
嬌香碎入吳宮
百花冷暖避東風
酷憐嬌易散
燕子學偎紅
人說病宜隨月減
慊慊卻與春同
可能留曉抱花叢
不成雙夢影
翻笑杏梁空

詞又

長記碧紗窗外語
秋風吹送歸鴉片
帆從此寄天涯
一

鏡新睡覺思
夢月初斜
便是欲歸歸未得
不如燕子

還家春雲春水帶輕霞畫船人似月細雨落楊花

六曲闌干三夜雨情誰護取嬌慵可憐寂寞粉牆東已
塞上得家報云秋海棠開矣賦此

惺忪舊歡如在夢魂中自然腸欲斷何必更秋風人

盧龍大樹

雨打風吹都似此將軍一去誰憐畫圖曾記綠陰圓舊
遊遺鏃地今日種瓜田繫馬南枝猶在否蕭蕭欲下

納蘭詞

卷三

九

長川九秋黃葉五更煙止應搖落盡不必問當年
寒柳

寒柳

飛絮飛花何處是層冰積雪催殘疎疎一樹五更寒愛
他明月好憔悴也相關最是繁絲搖落後轉教人憶
春山湔袞夢斷續應難西風多少恨吹不散眉彎

帶得些兒前夜雪凍雲一樹垂垂東風回首不勝悲葉
乾絲未盡未死只顰眉可憶紅泥亭子外纖腰舞困

因誰如今寂寞待人歸明年依舊綠知否繫斑驄

孤雁

霜冷離鴻驚失伴有人同病相憐擬憑尺素寄愁邊愁
多書屢易雙淚落鏡前莫對月明思往事也知消滅
年年無端嘹唳一聲傳西風吹隻影剛是早秋天

曉戀花

辛苦最憐天上月一昔如環昔昔長如

都一作

玦但

若一作

似月輪終皎潔不辭冰雪爲卿熱塵緣一作那無奈鍾情
容易絕燕子依然軟踏簾鉤說唱罷秋墳愁未歇春叢
認取雙棲蝶

納蘭詞

卷三

十

又

眼底風光留不住和暖和香又上雕鞍去欲倩煙絲遮
別路垂楊那是相思樹惆悵玉煙成間阻何事東風
不作繁華主斷帶依然留乞句斑驩一繫無尋處

又

又到綠楊曾折處不語垂鞭踏徧清秋路衰草連天無
意緒雁聲遠向蕭關去不恨天涯行役苦只恨西風
吹夢成今古明日客程還幾許霑衣况是新寒雨

又

蕭瑟蘭成看老去爲怕多情不作憐花句閣淚倚花愁

不語暗香飄盡知何處 重到舊時明月路裏口香寒
心比秋蓮苦休說生生花裏住惜花人去花無主

又

入共春夏夜

露下庭柯蟬響歇紗碧如煙煙裏玲瓏月竝著香肩無
可說櫻桃暗吐一作解丁香結一笑卷輕衫魚子鱗試撲
流螢驚起雙棲窈窕瘦斷玉腰沾粉葉人生那不相思絕

又

出塞

今古河山無定數一作據畫角聲中牧馬頻來去滿目荒

納蘭詞

卷三

七

涼誰可語西風吹老丹楓樹幽怨從前何處訴一作應無

數鐵馬金戈青塚黃昏路一往情深深幾許深山夕照

深秋雨

又

盡日驚風吹木葉極目嗟哦一丈天山雪去去丁零愁
不絕那堪客裏還傷別若道客愁容易輟除是朱顏
不共春銷歇一紙寄書和淚摺紅閨此夜團欒月

又

準擬春來消寂寞愁雨愁風翻把春擔擱不爲傷春情
緒惡爲憐鏡裏顏非昨畢竟春光誰領畧九陌緇塵

抵死遮雲壑若得尋春終遂約不成長負東君諾
唐多令

雨夜

絲雨織紅茵苔階壓繡紋是年年腸斷黃昏到眼芳菲
都惹恨那更說塞垣春 蕭颯不堪聞殘妝擁夜分爲
梨花深掩重門夢向金微山下去才識路又移軍

又

金液鎮心驚煙絲似不勝沁鮫綃湘竹無聲不爲香桃
憐瘦骨怕容易減紅情 將息報飛瓊蠻箋署小名鑿
淒涼片月三星待寄芙蓉心上露且道是解朝醒

納蘭詞

卷三

三

又

塞外重九

古木向人秋驚逢掠鬢稠是重陽何處堪愁記得當年
惆悵事正風雨下南樓 斷夢幾能留香魂一哭休怪
涼蟾空滿衾稠霜落烏噉渾不睡偏想出舊風流

踏莎美人

按此調爲顧梁汾自度曲

清明

拾翠歸遲踏青期近香箋小疊隣姬訊櫻桃花謝已清
明何事綠鬟斜鞞寶釵橫 淺黛雙彎柔腸幾寸不堪

更惹青春恨曉窗窺夢有流鶯也說一作箇儂憔悴可
憐生辛酉人日

蘇幕遮

枕函香花徑漏依約相逢絮語黃昏後時節薄寒人病
酒剗地梨花徹夜東風瘦掩銀屏垂翠裏何處吹簫
脈脈情微逗腸斷月明紅豆蔻月似當時人似當時否

三刻又

咏浴

鬢雲鬆紅玉瑩早月多情送過梨花影半晌斜釵慵未
整暈入輕潮剛愛微風醒露華清人語靜怕被郎窺

納蘭詞

卷三

三

移卻青鸞鏡羅韉凌波波不定小扇單衣可奈星前冷

淡黃柳

咏柳

三眠未歇乍到秋時節一樹斜陽暉更咽會綰瀟陵離
別絮已為萍風卷葉空淒切長條莫輕折蘇小恨倩
他說儘飄零遊冶章臺客紅板橋空湔褰人去依舊曉
風殘月

青玉案

辛酉人日

東風七日蠶芽軟一縷休教翦夢隔湘煙征雁遠那堪

又是鬢絲吹綠小勝宜春顛小繡屏渾不遮愁斷忽忽
年華空冷暖玉骨幾隨花骨換三春醉裏三秋別後寂
寞釵頭燕詞賦水寒香一中小窗裏雙魚與合心會

又

宿烏龍江

東風卷地飄榆莢才過了連天雪料得香闥香正徹那
知此夜烏龍江上獨對初三月書多情不是偏多別別
離只爲多情設曉夢百花花夢曉幾時相見西窗翦燭
細把而今說

月上海棠

納蘭詞

卷三

四

中元塞外

原頭野火燒殘碣歎英魂才魄暗消歇終古江山問東
風幾番涼熱驚心事又到中元時節詞淒涼况是愁中
別枉沉吟千里共明月露冷鴛鴦最難忘滿池荷葉青
鸞杳碧天雲海音絕詞天雲綠綺香闥香玉燼眠

又

瓶梅

重簷澹月渾如水浸寒香一片小窗裏雙魚凍合似曾
伴箇人無寐橫眸處索笑而今已矣詞與誰更擁燈前
髻乍橫斜疎影疑飛墜銅瓶小注休教近麝鑪煙氣酬

伊也幾點夜深清淚

西風一叢花

心小咏並蒂蓮

關珊玉佩罷霓裳相對縮紅妝
蕩絲風送凌波去又低頭軟語商量
一種情深十分心苦脈脈背斜陽
色香空盡轉生香明月小銀塘
桃根桃葉終相守伴殷勤雙宿鴛鴦
菰米漂殘沉雲乍黑同夢寄瀟湘

金人捧露盤

淨業寺觀蓮有懷蓀友

滿風輕蓮露冷斷虹收正紅窗初上
簾鉤田田翠蓋趁

納蘭詞

卷三

五

斜陽魚浪香浮此時畫閣垂楊岸
睡起梳頭田田舊遊踪招提路重到
處滿離憂想芙蓉湖上悠悠紅衣狼籍臥
看少妾盪蘭舟午風吹斷江南夢夢裏菱謳

洞仙歌

咏黃葵

鉛華不御看道家妝就問取旁人
入時否爲孤情澹韻判不宜春矜標格
開向晚秋時候無端輕薄雨滴損檀心
小壘宮羅鎮長皺何必訴淒清爲愛秋光
被幾日西風吹瘦便零落
黃也休嫌且對倚斜陽勝一作偃

紅衷

翦湘雲
按此調爲顧梁汾自度曲

送友
水去一良

險韻慵拈新聲醉倚儘歷徧情場懊惱曾記不道當時

腸斷事還較而今得意向西風約畧數年華舊心情灰

休一作矣正正是冷雨秋槐鬢絲憔悴又領畧愁中送客

滋味密約重逢知甚日看取青衫和淚夢天涯繞徧儘

由人只樽前迢遞

東風齊著力

電急流光天生薄命有淚如潮勉爲歡謔到底總無聊

納蘭詞

卷三

去

欲譜頻年離恨言已盡恨未曾消憑誰把一天愁緒按

出瓊簫往事水迢迢窗前月幾番空照魂銷舊歡新

夢雁齒小紅橋最是燒鐙時候宜春髻酒暖蒲萄淒涼

煞五枝青玉風雨飄飄

滿江紅

茅屋新成卻賦

問我何心卻構此三楹茅屋可學得海鷗無事閒飛閒

宿百感都隨流水去一身還被浮名束誤東風遲日杏

花天紅牙曲塵土夢蕉中鹿翻覆手看碁局且耽閒

帶酒消他薄福雪後誰遮簷角翠雨餘好種牆陰綠有

些些欲說向寒宵西窗燭

平華又同工水燕去幾胡同

代北燕南應不隔月明千里誰相念
臙脂山下悲哉秋氣小立乍驚清
露溼孤眠最惜濃香膩况夜烏唬絕
四更頭邊聲起消不盡悲歌意勻不
盡相思淚想故園今夜玉闌誰倚
青海不來如意夢紅箋暫寫違心字
道別來渾是不關心東堂桂

又

爲問封姨何事卻排空卷地又不是
江南春好妒花天氣葉盡歸鴉棲未
得帶垂驚燕飄還起甚天公不肯惜
納蘭詞

卷三

七

愁人添憔悴攪一霎燈前睡聽半晌
心如醉倩碧紗遮斷畫屏深翠隻影
凄清殘燭下離魂縹緲秋空裏總隨
他泊粉與飄香眞無謂

滿庭芳

小東堂

埃雪翻鴉河水躍馬驚風吹度龍堆
陰燐夜泣此景總堪悲待向中宵起
舞無人處那有邨雞只應是金笳暗
拍一樣淚沾衣須知今古事棊枰勝
負翻覆如斯歎紛紛蠻觸回首成非
賸得幾行青史斜陽下斷碣殘碑年
華共混同江水流去幾時回

又

又

題元人蘆洲聚雁圖

似有猿啼更無漁唱依稀落盡丹楓溼雲影裏點點宿
賓鴻占斷沙洲寂寞寒潮上一抹煙籠全不似半江瑟
瑟相映半江紅 楚天秋欲盡荻花吹處竟日冥濛近
黃陵祠廟莫采芙蓉我欲行吟去也應難問騷客遺蹤
湘靈杳一尊遙酌還欲認青峯

納蘭詞卷三終

歙縣王璉校

納蘭詞

卷三

六

蘇蘭詞卷三終

歙縣王璉校

醉靈香一尊遙酌還欲認青峯

黃鸝啼遍莫采芙蓉每為行吟去也應難問騷客遺蹤

瑟相映半江紅 楚天秋欲盡荻花吹處竟日冥濛近

黃陵祠廟莫采芙蓉我欲行吟去也應難問騷客遺蹤

湘靈杳一尊遙酌還欲認青峯

題元人蘆洲聚雁圖

納蘭詞卷四

長白納蘭成德容若著 鎮洋汪元治仲安編輯

水調歌頭

題西山秋爽圖

空山梵唄靜水月影俱沉悠然一境人外都不許塵侵
歲晚憶曾遊處猶記半竿斜照一抹映疎林絕頂茅庵
裏老衲正孤吟 雲中錫溪頭釣澗邊琴此生著幾兩
屐誰識卧遊心準擬乘風歸去錯向槐安回首何日得
投簪布襪青鞵約但向畫圖尋

又

納蘭詞

卷四

題岳陽樓圖

落日與湖水終古岳陽城登臨半是遷客歷歷數題名
欲問遺蹤何處但見微波木葉幾簇打魚罾多少別離
恨哀雁下前汀 忽宜雨旋宜月更宜晴人間無數金
碧未許著空明澹墨生綃譜就待倩橫拖一筆帶出九
疑青彷彿瀟湘夜鼓瑟舊精靈

鳳皇臺上憶吹簫

除夕得梁汾閩中信因賦

荔粉初裝桃符欲換懷人擬賦然脂喜螺江雙鯉忽展
新詞稠疊頻年離恨匆匆裏一紙難題分明見臨緘重

發欲寄遲遲 心知梅花佳句待粉郎香令再結相思
辛稼軒客三山有梅花相思之句 記畫屏今夕曾共題詩獨客料應無
睡慈恩夢那值微之重來日梧桐夜雨卻話秋池

守歲 蘇軾守歲詩 天一帶灑秋火問今宵

錦瑟何年香屏此夕東風吹送相思記巡簷笑罷共撫
梅枝還向燭一作花影裏催教看燕蠟雞絲如今但一

編消夜冷暖誰知 當時歡娛見慣道歲歲瓊筵玉漏
如斯悵難尋舊約枉費新詞次第朱旛翦綵冠兒側鬪

一作重轉蛾兒重驗取盧郎青鬢未覺春遲

納蘭詞

卷四

二

金菊對芙蓉

上元

金鳴消香銀蚪瀉水誰家玉笛飛聲正上林雪霽鴛鴦
晶瑩魚龍舞罷香車杏臙尊前衷擁吳綾狂遊似夢而
今空記密約燒鐙 追念往事難憑歎火樹星橋回首
飄零但九遠煙月依舊朧明楚天一帶驚烽火問今宵
可照江城小窗殘酒闌珊鐙炮別自關情

琵琶仙

按此調譜律不此條本在瀟湘載或亦自度曲雨下誤書於此

中秋

碧海年年試問取冰輪爲誰圓缺吹到一片秋香清輝
了如雪愁中看好天良夜知道盡成悲咽隻影而今那
堪重對舊時明月花徑裏戲捉迷藏曾惹下蕭蕭井
梧葉記否輕紈小扇又幾番涼熱止落得填膺百感總
茫茫不關離別一任紫玉無情夜寒吹裂

御帶花

重九夜

晚秋卻勝春天好情在冷香深處朱樓六扇小屏山寂
寞幾分塵土蚪尾煙消人夢覺碎蟲零杵便強說歡娛
總是無膠心緒轉憶當年消受盡皓腕紅黃嫣然一

納蘭詞

卷四

三

顧如今何事向禪榻茶煙怕歌愁舞玉粟寒生且領暑
月明清露歎此際淒涼何必更滿城風雨

念奴嬌

人生能幾總不如休惹情條恨葉一作才一番好剛是

尊前同一笑

一作心情凋落後

又到別離時節鐙炮挑殘鑪煙

蕪盡無語空凝咽一天涼露芳魂此夜偷接怕見人

去樓空柳枝無恙猶掃窗間月無分香一作和香深處住

悔把蘭襟親結向暖檀痕猶寒翠影觸緒添悲切愁多

成病此愁知向誰說

又

綠楊飛絮歎沉沉院落春歸何許盡日緇塵吹綺陌迷
卻夢遊歸路世事悠悠生涯非是醉眼斜陽暮傷心怕
問斷魂何處金鼓夜來月色如銀和衣獨擁花影疎
窗度脈脈此情誰得識又道故人別去細數落花更闌
未睡別是閒情緒聞余長歎西廊唯有鸚鵡

廢園有感

片紅飛滅甚東風不語只催漂泊石上臙脂花上露誰
與畫眉商畧碧甃瓶沉紫鏡釵掩雀踏金鈴索韶華如
夢爲尋好夢擔閣又是金粉空梁定巢燕子滿地香

納蘭詞

卷四

四

泥落欲寫華箋憑寄與多少心情難託梅豆圓時柳綿
飄處失記一作空覓當時約斜陽冉冉斷魂分付殘角

宿漢兒邨

無情野火趁西風燒徧天涯芳草榆塞重來冰雪裏冷
入鬢絲吹老牧馬長嘶征笳互動併入愁懷抱定知今
夕庾郎瘦損多少便是腦滿腸肥尙難消受此荒煙
落照何況文園憔悴後非復酒壚風調回樂峯寒受降
城遠夢向家山繞茫茫百感憑高唯有清嘯

東風第一枝

桃花

薄劣東風淒其夜雨曉來依舊庭院多情前度崔郎應
歎去年人面湘簾乍卷早迷了畫梁棲燕最嬌人清曉
鶯曉飛去一枝猶顫 背山郭黃昏開徧徧想孤影夕陽
一片是誰移向亭臯伴取暈睂青眼五更風雨算減卻
春光一綫傍荔牆牽惹游絲昨夜絳樓難辨

秋水

按此調譜律不載或亦自度曲

聽雨

誰道破愁須仗一作是酒酒醒後心翻醉正香消翠被隔

納蘭詞

卷四

簾驚聽那又是點點絲絲和淚憶翦燭幽窗小憩嬌夢
垂成頻喚覺一睚秋水 依舊亂蛩聲裏短檠明滅怎
教人睡想幾年蹤跡過頭風浪只消受一段橫波花底
向擁髻燈前提起甚日還來同領畧夜雨空階滋味

木蘭花慢

立秋夜雨送梁汾南行

盼銀河迢遞驚入夜轉清商乍西園翹曉輕翻麝粉暗
惹蜂黃炎涼等閒瞥眼甚絲絲點點攪柔腸應是登臨
送客別離滋味重嘗 疑將水墨畫一作畫疎窗孤影澹
瀟湘倩一葉高梧半條殘燭做盡商量荷裳被風暗剪

問今宵誰與蓋鴛鴦從此羈愁萬疊夢回分付唳蠻
水龍吟

題文姬圖

須知名士傾城一般易到傷心處柯亭響絕四絃才斷
惡風吹去萬里他鄉非生非死此身良苦對黃沙白草
嗚嗚卷葉平生恨從頭譜應是瑤臺伴侶只多了羶
裘夫婦嚴寒簷築幾行鄉淚應聲如雨尺幅重披玉顏
千載依然無主怪人間厚福天公儘付癡兒騃女

又

再送蓀友南還

納蘭詞

卷四

六

人生南北真如夢但臥金山高處白波東逝烏嘯花落
任他日暮別酒盈觴一聲將息送君歸去便煙波萬頃
半帆殘月幾回首相思否可憶柴門深閉玉繩低翦
鐙夜語浮生如此別多會少不如莫遇愁對西軒荔牆
葉暗黃昏風雨更那堪幾處金戈鐵馬把淒涼助

齊天樂

上元

闌珊火樹魚龍舞望中寶釵樓遠鞦韆餘紅琉璃膽碧
待屬花歸緩緩寒輕漏淺正乍斂煙霏隕星如箭舊事
驚心一雙蓮影滿絲斷莫恨流年似逝一作水恨消殘

曉粉韶光忒賤細語吹香暗塵籠鬢都逐曉風零亂
千敲徧問簾底纖纖甚時重見不解相思月華今夜滿

又

洗妝臺懷古

六宮佳麗誰曾見層臺尙臨芳渚露腳斜飛虹腰欲斷
荷葉未收殘雨添妝何處試問取雕籠雪衣分付一鏡
空濛鴛鴦拂破白蘋去相傳內家結束有吧裝孤穩
鞦韆女古冷豔全消蒼苔玉匣翻出十鴛遺譜人間朝
暮看臙粉亭西幾堆塵土只有花鈴綰風深夜語

又

納蘭詞

卷四

七

塞外七夕

白狼河北秋偏早星橋又迎河鼓清漏頻移微雲欲溼
正是金風玉露兩翕愁聚待歸踏榆花那時才訴只恐
重逢明明相視更無語人間別離無數向瓜果筵前
一作堆筵瓜果碧天凝竚連理千花相思一葉畢竟隨風何處
羈棲良苦算未抵空房冷香唳曙今夜天孫笑人愁似
許

瑞鶴仙

丙辰生日自壽起用彈指詞句并呈見陽

馬齒加長矣枉碌碌乾坤問汝何事浮名總如水判尊

前盃酒一生長醉殘陽影裏問歸鴻歸來也未且隨緣
去住無心冷眼華亭鶴唳無寐宿醒猶在小玉來言
日高花睡明月闌干曾說與應須記是蛾眉便自供人
嫉妒風雨飄殘花藥歎光陰老我無能長歌而已

雨零鈴

種柳

橫塘如練日遲簾幕煙絲斜卷卻從何處移得章臺彷彿
乍舒嬌眼恰帶一痕殘照鎖黃昏庭院斷腸處又惹
相思碧霧濛濛度雙燕回闌恰就輕陰軟背風花不
解春深淺託根幸自天上會試把霓裳舞徧百尺垂垂

納蘭詞

卷四

八

早是酒醒鶯語如翦只休隔夢裏紅樓望箇人兒見

疎影

芭蕉

湘簾卷處甚難披翠影繞簷遮住小立吹裊一作常伴

春慵掩映繡牀金縷芳心一束渾難展清淚裏一作隔

年愁聚更夜深細聽空階雨滴夢回無據正是秋來

寂寞偏聲聲點點助人離緒禳被初寒宿酒全醒攪碎

亂蛩雙杵西風落盡梧桐一作庭梧葉還賸得綠陰如許想

玉人和露一作淚折來曾寫斷腸詩句

瀟湘雨

送西溟歸慈溪

長安一夜雨便添了幾分秋色奈此際蕭條無端又聽
渭城風笛咫尺層城留不住久相忘到此偏相憶依依
白露丹楓漸行漸遠天涯南北 悽寂黔婁當日事總
名士如何消得只阜帽蹇驢西風殘照倦遊蹤跡廿載
江南猶落拓歎一人知己終難覓君須愛酒能詩鑑湖
無恙一蓑一笠

風流子

秋郊射獵

平原草枯矣重陽後黃葉樹騷騷記玉勒青絲落花時

納蘭詞

卷四

九

節曾逢拾翠忽憶

一作聽

吹簫今來是燒痕殘碧盡霜影

亂紅凋秋水映空寒煙如織阜雕飛處天慘雲高

人

生須行樂君知否容易兩鬢蕭蕭自與東風

一作君 作別

剗地無聊算功名何似

一作許

等閒一作此身博得短衣射虎

沽酒西郊便向夕陽影裏倚馬揮毫

沁園春

試望陰山黯然銷魂無言徘徊見青峯幾簇去天才尺
黃沙一片匝地無埃碎葉城荒拂雲堆遠雕外寒煙慘
不開踟躕久忽冰崖轉石萬壑驚雷 窮邊自足愁懷
又何必平生多恨哉只淒涼絕塞蛾眉遺塚銷沉腐草

駿骨空臺北轉河流南橫斗柄畧點微霜鬢早衰君不
信向西風回首百事堪哀

夢令蕩丁巳重陽前三日夢亡婦澹妝素服執手哽咽

山語多不復能記但臨別有云銜恨願爲天上月
年年猶得向郎圓婦素未工詩不知何以得此

也覺後感賦長調

瞬息浮生薄命如斯低徊怎忘自那番摧折無衫不淚
一作記繡牀倚幾年恩愛有夢何妨一作離闌曲
偏並吹紅雨幾年恩愛有夢何妨一作送斜陽最苦
曉鴉頻催別鴿留詩殘莫續贏得更闌一作哭一場遺

納蘭詞 卷四 十

容在只靈鷲一轉未許端詳重尋碧落茫茫料短髮

朝來定有霜信一作人間天上塵緣未斷春花秋月觸

緒堪一作傷欲結綢繆翻驚漂泊一作兩處鴛鴦各自

涼一作減盡荷真無奈把聲聲簷雨一作譜入愁鄉一作

出回

又

夢冷蘅蕪卻望姍姍是耶非耶悵蘭膏漬粉尙留犀合

金泥蹙繡空掩蟬紗影弱難持綠深暫隔只當離愁滯

海涯歸來也趁星前月底魂在梨花鸞膠縱續琵琶

問可及當年萼綠華但無端摧折惡經風浪不如零落

判委塵沙最憶相看嬌訛道字手翦銀燈自潑茶今已
矣便帳中重見那似伊家

金縷曲

贈梁汾

德也狂生耳偶然間緇塵京國烏衣門第有酒惟澆趙
州土誰會成生此意不信道竟逢一作遂成知己青眼高一作

痛飲

狂歌俱未老向尊前拭盡英雄淚君不見月如水

共一作與

君此夜須沉醉且由他蛾眉謠詠古今同忌身

世悠悠何足問冷笑置之而已尋思起從頭翻悔一日
心期千劫在後身一作生緣恐結他生裏然諾重君須記

納蘭詞

卷四

七

又

再贈梁汾用秋水軒舊韻

酒浣青衫卷儘從前風流京兆閒情未遣江左知名今
廿載枯樹淚痕休泣搖落盡玉蛾金繭多少殷勤紅葉
句御溝深不似天河淺空省識畫圖展高才自古難
通顯枉教他堵牆落筆凌雲書扁入洛遊梁重到處駭
看邨莊吠犬獨憔悴斯人不免袞袞門前題鳳客竟居
然潤色朝家典憑觸忌舌難翦

又

生怕芳尊滿到更深迷離醉影殘鐙相伴依舊回廊新

月在不定竹聲撩亂問愁誰一作與春宵長短燕子樓空

絃索冷一作人比疎在梨花一作紅蕤落盡無人應一作管誰

領畧眞眞一作向夢喚一作此情擬倩東風浣奈吹來餘

香病酒旋添一半惜別江淹消瘦了一作耶耐一作更著

輕寒輕暖憶絮語縱橫茗盃滴滴西窗紅蠟淚那時腸

早爲而今斷任角枕欹孤館

季子又期前此一作昔曾聞事賦好音梁益耳

風裏空簡梁汾時方爲吳漢槎作歸計一作意疎塞土數吳

灑盡無端淚莫因他瓊樓寂寞誤來人世信道癡兒多

厚福誰遣偏一作天生明慧就一作誰更著浮名相累仕宦

納蘭詞

卷四

三

何妨如斷梗只那將聲影供羣吠天欲問且休矣一作情

深我自拚憔悴轉叮嚀香憐易蕪玉憐輕碎美煞軟紅

塵裏客一味醉生夢死歌與哭任猜何意絕塞生還吳

季子算眼前此外皆閒事知我者梁汾耳

早飲又今一作月良於流旋韻

薄寒補慰西溟一作盡壽春益漸流西窗餘燭感眼詞題

何事添悽咽但由他天公簸弄莫教磨涅失意每多如

意少終古幾人稱屈須知道福因才折獨臥藜牀看北

斗背高城玉笛吹成血聽譙鼓二更徹一作丈夫未肯因

人熱且乘閒五湖料理扁舟一葉淚似秋霖渾不盡灑

向野田黃曉須不羨承明班列馬跡車塵忙未了任西
風吹冷長安月又蕭寺花如雪

又

西溟言別賦此贈之

誰復留君住歎人生幾番離合便成遲暮最憶西窗同
翦燭卻話家山夜雨不道只暫時相聚袞袞長江蕭蕭
木送遙天白雁哀鳴去黃葉下秋如許不日歸因甚添
愁緒料強似冷煙寒月棲遲梵宇一事傷心君落拓兩
鬢飄蕭未遇有解憶長安兒女裘敝入門空太息信古
來才命真相負身世恨共誰語

納蘭詞

卷四

七

又

寄梁汾

木落吳江矣正蕭條西風南雁碧雲千里落拓江湖還
載酒一種悲涼滋味重回首莫彈酸淚不是天公教棄
置是才華誤卻方城尉飄泊處誰相慰別來我亦傷
孤寄更那堪冰霜摧折壯懷都廢天遠難窮勞望眼欲
上高樓還已君莫恨埋愁無地秋雨秋花關塞冷且殷
勤好作加餐計人豈得長無謂

又

亡婦忌日有感

此恨何時已滴空階寒更雨歇葬花天氣三載悠悠魂
夢杳是夢久應醒矣料也覺人間無味不及夜臺塵土
隔冷清清一片埋愁地釵鈿約竟一作拋棄重泉若
有雙魚寄好知他年來苦樂與誰相倚我自終宵成轉
側忍聽湘絃重理待結箇他生知已還怕兩人都一作俱
薄命再緣慳臘月零風裏清淚盡紙灰起

又

未得長無謂竟須將銀河親挽普天一洗麟閣才教留
粉本大笑拂衣歸矣如斯者古今能幾有限好春無限
恨沒來由短盡英雄氣暫覓箇柔鄉避東君輕薄知

納蘭詞

卷四

十四

何意儘年年愁紅慘綠添人憔悴兩鬢飄蕭容易白錯
把韶華虛費便決計疎狂休悔但有玉人常照眼向名
花美酒拚沉醉天下事公等在普天一武纏開水邊留
摸魚兒

薄命再午日雨眺零風裏青鬢盡添秋賦別來我亦傷

漲痕添半篙柔絲蒲梢荇葉無數空濛臺榭煙絲暗白

鳥銜魚欲舞橋外一作紅橋路正一派畫船簫鼓中流住嘔

啞柔櫓又早拂新荷沿隄忽轉衝破翠錢雨兼葭渚

不減瀟湘深處霏霏漠漠如霧滴成一片鮫人淚也似

汨羅投賦愁難譜只絲綫香菰脈脈成千古傷心莫語

記那日旗亭水嬉散盡中酒阻風去

又

送別德清蔡夫子

問人生頭白京國算來何事消得不如罨畫清溪上蓑
笠扁舟一隻人不識且笑煮鱸魚趁著蓴絲碧無端酸
鼻向岐路銷魂征輪驛騎斷雁西風急英雄輩事業
東西南北臨風因甚成泣酬知有願頻揮手零雨淒其
此日休太息須信道諸公袞袞皆虛擲年來蹤跡有多
少雄心幾番惡夢淚點霜華織

青衫溼

納蘭詞

卷四

五

按此調為自度曲
一本作青衫溼徧

悼亡

青衫溼徧憑伊慰我忍便相忘半月前頭扶病翦刀聲

猶共一作

銀釭憶生來小膽怯空房到而今獨伴梨花

影冷冥冥儘意淒涼願指魂兮識路教尋夢也回廊

咫尺玉鉤斜路一般消受蔓草斜陽判把長眠滴醒和

清淚攪入椒漿怕幽泉還爲我神傷道書生薄命宜將

息再休耽怨粉愁香料得重圓密誓難禁寸裂柔腸

憶桃源慢

斜倚熏籠隔簾寒徹徹夜寒如水

一作聽盡
哀鴻喚

離魂何處

一片月明千里

一作如水

兩地淒涼

一作清

多少恨分付藥鑪

煙細近來情緒非關病酒如何擁鼻長如醉轉尋思不

如睡也看道夜深怎睡幾年消息浮沉把朱顏頓成

憔悴紙窗浙瀝

一作風裂

寒到箇人衾被篆字香消燈炮冷

不算淒涼滋味加餐千萬寄聲珍重而今始會當時意

早催人一更更漏殘雪月華滿地

湘靈鼓瑟

按此調亦自度曲

納蘭詞

按此調亦自度曲

一本作翦梧桐

新睡覺聽漏盡烏噉欲曉曉屏側墜釵扶不起淚浥餘香

悄悄任百種思量都來擁枕薄衾顛倒土木形骸自甘

納蘭詞

卷四

六

憔悴只平日占伊懷抱看蕭蕭一翦梧桐此日秋光應

到若不是憂能傷人怎青鏡朱顏便老慧業重來偏

命薄悔不夢中過了憶少日清狂花間馬上軟風斜照

端的而今誤因疎起卻懊惱誤人年少料應他此際閒

眠一樣百愁難掃

不覺大酺

按此調亦自度曲

寄梁汾

按此調亦自度曲

怎

一作只

一鑪煙一窗月斷送朱顏如許韶華

一作光

猶在

眼怪無端吹上幾分塵土手撚殘枝沉吟往事渾是前

生無據鱗鴻憑誰寄想天涯隻影淒風苦雨便研損吳

綾嗚沾蜀紙有誰同賦 當時不是錯好花月合受天
公如只索一作準擬情春歸燕子說與從頭爭教他會人言
語萬一離魂遇偏夢被冷香縈住剛聽得城頭鼓相思
何益待把來生祝取慧業相同一處

納蘭詞卷四終

鎮洋蔣希曾校

納蘭詞

卷四

七

納蘭詞卷四終

鎮洋蔣希曾校

何益待把來生祝取慧業相同一處

語萬一離魂遇偏夢被冷香縈住剛聽得城頭鼓相思

公如只索一作準擬情春歸燕子說與從頭爭教他會人言

綾嗚沾蜀紙有誰同賦 當時不是錯好花月合受天

納蘭詞卷五

長白納蘭成德容若著 鎮洋汪元治仲安編輯

憶王孫

暗憐雙蝶鬱金香欲夢天涯思轉長
幾夜東風昨夜霜
減容光莫爲繁花又斷腸

又

刺桐花下是兒家已拆秋千未采茶
睡起重尋好夢賒
憶交加倚著閒窗數落花

調笑令

明月明月曾照箇人離別玉壺紅淚相偎還似當年夜
納蘭詞

卷五

來來夜來夜肯把清輝重借

憶江南

江南好建業舊長安紫蓋忽臨雙鷁渡翠華爭擁六龍
看雄麗卻高寒

又

江南好城闕尙嵯峨故物陵前唯石馬遺踪陌上有銅
駝玉樹夜深歌

又

江南好懷古意誰傳燕子磯頭紅蓼月烏衣巷口綠楊
煙風景憶當年

江南好虎阜晚秋天山水總歸詩格秀笙簫恰稱語音
圓誰在木蘭船

江南好真箇到梁溪一幅雲林高士畫數行泉石故人
題還似夢遊非

江南好水是二泉清味永出山那得濁名高有錫更誰
爭何必讓中冷

納蘭詞 卷五

江南好佳麗數維揚自是瓊花偏得月那應金粉不兼
香誰與話清涼

江南好鐵甕古南徐立馬江山千里目射蛟風雨百靈
趨北顧更躊躇

江南好一片妙高雲硯北峯巒米外史屏間樓閣李將
軍金碧蠹斜曛

江南好何處異京華香散翠簾多在水綠殘紅葉勝于

花無事避風沙
新來好唱得虎頭詞一片冷香唯有夢十分清瘦更無
詩標格早梅知

點絳脣

寄南海梁藥亭

一唱征塵留君不住從君去片帆何處南浦沉香雨
回首風流紫竹邨邊住孤鴻語三生定許可是梁鴻侶
浣紗溪

十里湖光載酒遊青簾低映白蘋洲西風聽徹采菱謳

納蘭詞

卷五

三

樓
沙岸有時雙裏擁畫船何處一竿收歸來無語晚妝

回首又

脂粉塘空徧綠苔掠泥營壘燕相催妒他飛去卻飛回
一騎近從梅里過片帆遙自蕩溪來博山香燼未全

灰

又

大覺寺

燕壘空梁畫壁寒諸天花雨散幽關篆香清梵有無間
蛺蝶乍從簾影度櫻桃半是烏銜殘此時相對一忘

言真顯

拋卻無端恨轉長
慈雲稽首返生香
妙蓮花說試推詳
但是有情皆滿願
更從何處著思量
篆煙殘燭竝回腸

又

小兀喇
樺屋魚衣柳作城
蛟龍鱗動浪花腥
飛揚應逐海東青
猶記當年軍壘跡
不知何處梵鐘聲
莫將興廢話分明

納蘭詞

卷五

四

又

姜女祠

海色殘陽影斷霓
寒濤日夜女郎祠
翠鈿塵網上蛛絲
澄海樓高空極目
望夫石在且留題
六王如夢祖龍非

菩薩蠻

回文

客中愁損催寒夕
夕寒催損愁中客
門掩月黃昏
黃昏月掩門
翠衾孤擁醉擁孤
衾翠醒莫更多
情情多更莫醒

又
回文

呀箋銀粉殘煤畫煤殘粉銀箋
呀清夜一鐙明明鐙
一夜清片花驚宿燕燕宿驚花
片親自夢歸人人歸
夢自親

又
又

飄蓬只逐驚颺轉行人過盡煙光遠
立馬認河流茂陵
風雨秋寂寥行殿鎖梵唄琉璃火塞雁與宮鴉山深
日易斜

采桑子

納蘭詞

卷五

五

那能寂寞芳菲節欲話生平夜已三更一闕悲歌淚暗
零須知秋葉春花促點鬢星星遇酒須傾莫問千秋
萬歲名

又

九日

深秋絕塞誰相憶木葉蕭蕭鄉路迢迢六曲屏山和夢
遙佳時倍惜風光別不爲登高祇覺魂銷南雁歸時
更寂寥

又

海天誰放冰輪滿惆悵離情莫說離情但值京宵總淚

盡只中元夜有感
手寫香臺金字經惟願結來生蓮花漏轉楊枝露滴想
鑒微誠 欲知奉倩神傷極憑訴與秋繁西風不管一
池萍水幾點荷鐙

滿宮花

盼天涯芳訊絕莫是故情全歇朦朧寒月影微黃情更
薄于寒月 麝煙銷蘭燼滅多少怨眉愁睫芙蓉蓮子
待分明莫向暗中磨折

少年遊

算來好景只如斯惟許有情知尋常風月等閒譚笑稱

納蘭詞

卷五

七

意卽相宜 十年青鳥音塵斷往事不勝思一鈎殘照
半簾飛絮總是惱人時

浪淘沙

望海

蜃闕半模糊踏浪驚呼任將蠡測笑江湖沐日光華還
浴月我欲乘桴 釣得六鰲無竿拂珊瑚桑田清淺問
麻姑水氣浮天天接水那是蓬壺

又

雙燕又飛還好景闌珊東風那惜小眉彎芳草綠波吹
不盡只隔遙山 花雨憶前番粉淚偷彈倚樓誰與話

春閒數到今朝三月二夢見猶難

鷓鴣天

誰道陰山行路難風毛雨血萬人譁
松梢露點霑鷹細蘆葉溪深沒馬鞍
依樹歇映林看黃羊高宴簇金盤
蕭蕭一夕霜風緊卻擁貂裘怨早寒

又

小構園林寂不譁疎籬曲徑傲山家
晝長吟罷風流子忽聽楸枰響碧紗
添竹石伴煙霞擬憑尊酒慰年華
休嗟髀裏今生肉努力春來自種花

南鄉子

納蘭詞

卷五

八

何處淖吳鉤一片城荒枕碧流
曾是當年龍戰地颼颼塞草霜風滿地秋
霸業等閒休躍馬橫戈總白頭
莫把韶華輕換了封侯多少英雄只廢邱

踏莎行

月華如水波紋似練幾簇澹煙衰柳塞鴻
一夜盡南飛誰與問倚樓人瘦
韻拈風絮錄成金石不是舞裊歌
衷從前負盡埽眉才又擔閣鏡囊重繡

虞美人

綠陰簾外梧桐影玉虎牽金井怕聽嗁鳩
出簾遲恰到年年今日兩相思
淒涼滿地紅心草此恨誰知道待

將幽憶寄新詞分付芭蕉風定月斜時

茶瓶兒

楊花糝徑櫻桃落綠陰下晴波燕掠好景成擔閣秋千
背倚風態宛如昨 可惜春來總蕭索人瘦損紙鳶風
惡多少芳箋約青鸞去也誰與勸孤酌

臨江仙

點滴芭蕉心欲碎聲聲催憶當初欲眠還展舊時書鴛
鴦小字猶記手生疎 倦眼乍低細帙亂重看一半模
糊幽窗冷雨一鐙孤料應情盡還道有情無

曉戀花

納蘭詞

卷五

九

散花樓送客

城上清笳城下杵秋盡離人此際心偏苦刀尺又催天
又暮一聲吹冷蒹葭浦 把酒留君君不住莫被寒雲
遮斷君行處行宿黃茅山店路夕陽邨社迎神鼓

金縷曲

再用秋水軒舊韻

疎影臨書卷帶霜華高高下下粉脂都遣別是幽情嫌
嫵媚紅燭唬痕休泣趁皓月光浮水蘩恰與花神供寫
照任潑來澹墨無深淺持素障夜中展 殘釭掩過看
逾顯相對處芙蓉玉綻鶴翎銀扁但得白衣時慰藉一

任浮雲蒼犬塵土隔軟紅偷免簾幕西風人不寐恁清
光肯惜鷓鴣裘典休便把落英翦

納蘭詞卷五終

昭文蔣寶麟校

納蘭詞

卷五

十

10775

大清御製詩經傳義卷之五終
五終御製詩經傳義卷之五終
五終御製詩經傳義卷之五終
五終御製詩經傳義卷之五終
五終御製詩經傳義卷之五終

